

溫
疫
論
上

叙



陳君節菴以所刻醫門普
度書示余余覽之喟然而
嘆甚矣君用心之仁且厚
也一舉而三善備焉濟人
一也表章前輩二也俾醫

者得所從事而不謬於其
方三也憶庚寅之歲吾鄉
疫氣大作郡城尤甚氛甚
惡余時督兇輦應試郡城
從坊間見吳氏瘟疫論一
冊買歸讀之見其辨析精

審處方諦當心甚善之間
試以予人甚驗已而有事
於厚村之莊村民有病疫
者醫或予以他藥病益甚
余聞之亟召病家而詢焉
更予以達原飲飲之立愈

於是有病者輒向余求方
余即以達原飲予之或無
他症即就書中加減法予
之甚則以三消飲予之每
投一劑病即愈更無傳染
者余益嘆其書之善而惜

其刻本多訛謬也屢欲屬
精於醫者校正而重刻焉
今君乃得余族叔占儀出
所藏孔君以立評本而刻
之又附孔君所著痢疾論
於後孔君固吾邑前輩之

精於醫者也君汲汲濟人
而孔君亦賴以不朽由是
而業醫者亦知疫痢之有
成法可循君用心之仁且
厚誠何如哉名之曰醫門
普度信乎其為濟人之慈

航也余不敏樂君之有斯
舉也爰叙其所以以諗世
之有志於濟人者

賜進士出身在籍候選

誥封奉直大夫戶部廣西清吏
司主事加二級楊鈐拜譔



叙



醫仁術也而業之弗精則反與
於不仁之甚蓋五運六氣在天
有氣候之不齊剛柔燥濕在地
有方土之不一於是民生其間
者强弱虛實勇怯羸壯紛然雜

糴其中又別為富貴貧賤之倫
而異其勞逸甘苦之致若此者
一不得其平皆足以致疾醫者
不察其原而漫襲大小輕重之
方妄施溫涼寒熱之劑虛虛實
實其不美枉民命者幾何故弗

精其業反與於不仁之甚也然
凡病皆足以殺人而尤厲者莫
甚於疫痢二證二證之來互相
傳染甚至沿門闔境如火之燎
於原不可嚮邇治之者一失其
宜有朝投藥而夕死者矣憶前

歲庚寅之夏吾鄉疫氣流行有
初病寒熱醫者以傷寒法治之
用仲景麻黃桂枝湯發其汗因
而致死者數人余仲父約堂先
生心惻焉適從友人處見吳又
可先生疫病論一書辨析精審

詢老於醫者知此書為治疫之
良法也於是購得數十部以贈
鄉里之醫者時仲父方改造居
室匠作數百人朝夕勞力揮汗
如雨暑氣鬱蒸有染此證者仲
父輒用此書中達原飲飲之立

已及秋疫氣未散痢疾復作仲
父又用三消飲方合成散料有
病者輒予以方寸匕無不愈者
仲父於是竒此書爰摘其精要
刻成斗方散布四遠謂此病苟
未誤治以此求之未有不中者

也即窮鄉僻壤無從求醫得此
方而求藥焉亦未有不中者也
然或既已誤治不得全書而參
考之何以善其後而坊間所刻
是書中多訛舛吾邑前輩曾別
有刻本校訂甚精然未別句讀

竊恐初學醫者或未必通其文
更安能究其義也楊君占儀來
遊余里因與之商論此事楊君
乃出所藏孔丈以立評本示余
余覽之善焉更屬楊君重加訂
定標其精要分其句讀由是讀